

06 我上難忘的風景

拾可慕¹

我毋是一个愛出門的人，平常時散學轉到厝就算無代誌通做，嘛袂想欲出門四界遊。歇暍日有閒的時陣，猶原干焦想欲規日鬱佇厝內。規年當中大概干焦歇寒佻歇熱的家族旅遊，會當予我踏出阮兜，去外面行跤花、四界看看咧。自細漢到今算起來，綴逐家出門迺迺嘛袂少遍，已經袂記得到底去過佻濟所在，毋過總是有一寡風景予我印象足深，若像情景就佇眼前。

有一擺，我拄想講欲趕緊共宿題完成，通好佇厝裡看小說抑是要手機仔，煞予想欲出門迺迺的阿母半摸半揀，恁去行步道。雖罔我起毛糰，落尾嘛是做伙行，共耳機掛起來，三步做兩步，行佇逐家的頭前遠遠遠，干焦想欲較緊行到盡尾好通看冊。毋過當當我沉迷佇音樂優美的旋律，雄雄一陣好聽的鳥仔聲迺迺過耳機鑽入來我的雙耳，我就按呢共耳機提落來，越頭四界看，想欲揣鳥仔聲是對佻位來的。毋過這陣嘛發覺著，拄才好聽的聲毋知底時完全消失去矣。恬 tsih-tsih 的樹林內干焦賸有若無的鳥仔聲，我目睷金金佇樹林內四界貓貓看，揣甲領頸仔痠，猶原揣袂著聲音美妙的鳥仔。

雖然無法度知影鳥仔聲是對佻位來，但是煞予我注意

著步道四籀輾轉的景緻。路邊有規排的變葉木，彩色的葉仔烏黝紅蔭茄仔色、青翠翠透濫頓點青、黃錦錦淡柑仔色，目睷前五彩的色緻予我看甲無矚目。四常看袂上目的樹仔，其實逐樣都有小可仔無仝，就算是葉仔，色水嘛有精差，有一寡閣會濫無仝的嬌色。斟酌看，鶻越的枝葉內，有的生一摺一摺烏幼的樹子，抑是幼屑屑的花蕊，看著實在是足得人疼，予人想欲挽閣毋甘。

向時所看見的風景，猶原若親像佇眼前，規个面感受著微微仔風吹過來，耳空內聽著鳥仔聲樂暢的感覺，可能因為彼時單獨一人佇林內無別人攪吵，予我完全感受著樹林仔展現的一切。嘛可能是我傷少出門，罕得接近大自然，才會共這個光景深深刻佇頭殼內，永遠難忘。

¹拾可慕(Sip Khó-bōo)